

**Петропавл қалалық мәслихатының 2004 жылғы 14 шілдедегі "Аз қамтамасыз етілген азаматтарға тұрғын үй ұстауға және коммуналдық қызметтер төлеміне тұрғын үй көмегін беру Ережелері туралы" кезектен тыс 7 сессиясының №6-шы шешіміне өзгерістер мен толықтырулар енгізу туралы**

### *Күшін жойған*

Солтүстік Қазақстан облысы Петропавл қаласы мәслихатның 2005 жылғы 14 шілдедегі N 3 шешімі. Солтүстік Қазақстан облысының Петропавл қаласы Әділет басқармасында 2005 жылғы 15 тамызда N 13-1-17 тіркелді. Күші жойылды - Солтүстік Қазақстан облысы Петропавл қаласы мәслихатының 2016 жылғы 18 қаңтардағы N 6 шешімімен

**Ескерту. Күші жойылды - Солтүстік Қазақстан облысы Петропавл қаласы мәслихатының 18.01.2016 N 6 шешімімен (алғаш рет ресми жарияланған күнінен бастап он күнтізбелік күн өткен соң қолданысқа енгізіледі).**

Аз қамтамасыз етілген азаматтарға тұрғын үй көмегін беру саласын реттейтін қалалық мәслихаттың нормативтік-құқықтық актілерін жетілдіру мақсатында, Петропавл қалалық мәслихаты **ШЕШТІ:**

1. Петропавл қалалық мәслихатының 2004 жылғы 14 шілдедегі "Аз қамтамасыз етілген азаматтарға тұрғын үй ұстауға және коммуналдық қызметтер төлеміне тұрғын үй көмегін беру Ережелері туралы"

кезектен тыс жетінші сессиясының N 6 шешіміне мынадай өзгерістер мен толықтырулар енгізілсін:

Аталған шешіммен бекітілген аз қамтамасыз етілген азаматтарға тұрғын үй ұстауға және коммуналдық қызметтер төлеміне тұрғын үй көмегін беру Ережелерінде:

Барлық мәтін бойынша:

"Басқарма" "Басқарма арқылы" сөздері "Бөлім" "Бөлім арқылы" сөздерімен ауыстырылсын.

3-ші тармақ мынадай редакцияда мазмұндалсын:

Қазақстан Республикасы азаматтарының, Петропавл қаласында тұрақты тұратын меншік иесі, мемлекеттік тұрғын үй қорынан баспана жалдаушы болып табылатын, тұрақты тұруға рұқсаты бар оралмандар, шетел азаматтары мен азаматтығы жоқ тұлғалардың, егер отбасының бюджетіндегі жәрдемақылық шаралар мен коммуналдық қызметтерді тұтыну мөлшері шегіндегі тұрғын үйді ұстау және коммуналдық қызметтерді тұтыну төлеміне шығындар осы мақсатқа шекті рұқсат етілетін шығыстар үлесінен артық болса, тұрғын үй көмегіне

құқығы бар. Тұрғын үйді ұстау, коммуналдық қызметтерді (сумен қамтамасыз ету, канализация, жылумен, электр жарығымен, газбен қамтамасыз ету, қоқыстарды шығару, лифт қызметі) тұтыну және қалалық телекоммуникация желісіне қосылған телефон үшін абоненттік төлемнің артуы бөлігінде байланыс қызметіне төлемдерге шекті рұқсат етілген шығындар үлесі жиынтық кірісінің 15% - мөлшерінде Петропавл қаласының, 10% - ы мөлшерінде Былғары зауыты мен Заречный кенттерінің тұрғындары үшін белгіленеді.

Егер тұрғын үйді ұстауға (тұрғын үйді пайдалануға) және коммуналдық қызметке төлем мөлшері (тарифі) заңмен белгіленген тәртіппен белгіленбесе, онда шығындарды өтеу нақты шығындар бойынша жүргізіледі.

4-тармақта:

бірінші абзац мынадай редакцияда мазмұндалсын:

"Тұрғын үй көмегі мынадай отбасыларына тағайындалмайды:

1) жеке меншігінде (үлесінде) біреуден артық тұрғын үйі (жеке үйі, пәтері) болса;

2) тұрғын үйді жалға тапсырғандарға (қайта жалға бергендерге);

3) отбасыларында мүгедектерден және бір айдан артық стационарлық емделуде болған адамдардан, туберкулезбен ауыратындар, емделу мекемелерінде тұрақты есепте тұратын және уақытша жұмысқа жарамсыздығы туралы дәрігерлік-кеңес комиссиясының қорытындысы бар онкологиялық және психикалық аурулары бар азаматтардан, күндізгі оқу нысанындағы оқушылар мен студенттерден, тыңдаушылар мен курсанттардан, магистратура мен аспирантураны қоса, сондай-ақ I-ші және II-ші топтағы мүгедектерді, сексен жастан асқан адамдарды, жеті жасқа дейінгі балаларды күтумен айналысатын азаматтардан басқа жұмыспен қамту мәселелері жөніндегі уәкілетті органдарда тіркелмеген жұмыссыздары барларға;

5-тармақта:

"Петропавл қаласының еңбек, жұмыспен қамту және халықты әлеуметтік қорғау басқармасы" сөздерді "Петропавл қаласының жұмыспен қамту және әлеуметтік бағдарламалар бөлімі" сөздерімен ауыстырылсын;

"үлгісі" сөзінен кейін "өтініш берушінің және оның отбасы мүшелерінің жеке бастарын куәландыратын құжаттардың көшірмесін табыс етумен" деген сөздерімен толықтырылсын;

6-тармақтың 5) тармақшасы алынып тасталсын;

12-ші тармақта;

"қызмет көрсетушілер" сөзінен кейін "Телефон үшін абоненттік төлем тарифтерінің көтерілуіне өтемақы қызмет көрсетушінің есеп шотына немесе өтініш берушінің жеке шотына аударылады." сөйлемімен толықтырылсын;

"Қазақстан Халық банкі" АҚ" сөзі "арқылы қызмет көрсетуге заңмен

белгіленген тәртіппен шарт жасалған екінші деңгейдегі банктер арқылы" сөздерімен ауыстырылсын;

16 тармақ мынадай мазмұндағы абзацпен толықтырылсын:

"Тұрғын үй көмегін тағайындағанда мынадай мөлшерлер ескеріледі:

тұрғын үйдің алаңы:

жеке басты азаматтар үшін - 30 шаршы метр;

екі адамнан тұратын отбасы үшін - 48 шаршы метр;

үш және одан да көп адамнан тұратын отбасы үшін - әр адамға 18 шаршы метрден;

айына бір адамға газ пайдалану:

газ плитасы бар және орталықтан ыстық сумен қамтамасыз етілген жағдайда - 4,8 килограмм;

газ плитасы, газбен су жылытқышы бар, орталықтан ыстық сумен қамтамасыз етілмеген жағдайда - 13,7 килограмм;

Газ плитасы бар орталықтан ыстық сумен қамтамасыз етілмеген, газбен су жылытқышы жоқ болған жағдайда - 8,2 килограмм;

айына электр қуаты:

бір бөлмелі пәтер - 100 Квт;

екі бөлмелі пәтер - 120 Квт;

үш бөлмелі пәтер - 150 Квт;

тәулігіне бір адамға су:

суды көшелердегі колонкалардан алу - 40 литр;

су құбыры бар, бірақ канализациясы жоқ тұрғын үйлерде - 75 литр;

су құбыры мен канализациясы бар, бірақ ваннасы жоқ тұрғын үйлерде - 120 литр;

су құбыры, канализациясы және қатты отынмен жұмыс істейтін су жылытқышымен ванналары бар тұрғын үйлерде - 180 литр;

су құбыры, канализациясы және газбен су жылытқышымен ваннасы бар тұрғын үйлерде - 225 литр;

қол жуғыштары, жуғыштары, душтары, ұзындығы 1500-1700 сантиметр ванналармен жабдықталған, ыстық сумен қамтамасыз етілетін тұрғын үйлерде - 260 литр."

2. Осы шешім әділет органдарында тіркелгеннен кейін күшіне енеді және бұқаралық ақпарат құралдарында жариялануы тиісті.

*Қалалық мәслихат  
сессиясының төрайымы*

*Қалалық мәслихаттың  
хатшысы*

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК